

筆而開方調治者有之若云判斷禍福則有人之善惡在吾前  
章宣示已明不復再論獨異者實字之中間有設乩求地理請  
乩論天心之輩者此皆方士遺風上界正神察其奸詐未有能  
逃天罰者

古今題贈

明永樂成祖文皇帝

予張三丰書

皇帝敬奉書真仙張三丰先生足下朕久仰真仙渴思親承儀  
範嘗遣使奉香致書遍詣名山虔請真仙道德崇高超乎萬有  
體合自然神妙莫測朕才質疎庸道行菲薄而至誠願見之心  
夙夜不忘敬再遣使謹致香奉書虔請拱候雷車鳳駕惠然而  
來以副朕拳拳仰慕之懷敬致書

外予詩有寄語真仙張有道爲言竝竦長相思之句見徵  
異錄未載全首

蜀獻王椿

王高皇帝第十一子洪武十一年封二十三年之國成  
都永樂末薨有獻園集

贈張三丰先生

憶昔蓬萊閭苑春歡聲未盡海揚塵恢宏事業無多子零落親  
朋有幾人失馬塞翁知是福牧牛仙子慕全真吾師深得留侯

道藏輯要

三丰全集

贈石開談

全

續畢集十